



14. februar 2012

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. Naalakkersuisut suliniutinik sunik pilerisaaruteqarpat atisaliortarfinnut allanullu uagutsitulli puisip amiata atisatut mutinngoqqinnissaanut soqutiginnissinnaasunut puisip amia pilerisaarutiginiarlugu?

(Inatsisartunut ilaasortaq Justus Hansen, Demokraatit)

Tunngavilersuut:

Aallarniutigalugu Aalisarnermut, Piniarnermut aamma Nunalerinermut Naalakkersuisoq nersualaarusuppara EU-mi inatsisartuini Bruxellesimi puisip amia ulloq 7. ferbruar tusarniutigineqarmat pikkorilluni pissusilersornera pillugu.

Demokraatini iluarisimaarparput, Naalakkersuisut sorsuutigimmassuk EU-mi politkerinut eqeersaatigimmassuk puisip amianik eqqusseqqusiunnaarneq kalaallit periarfissaannik aserorterimmat – aamma naggueqatigiinnut inunnut atuutsitsinnginnermik taaguut atoraluarpalluunniit.

Eqqussinissamulli inerteqqut kisimi pissutaanngilaq maannakkut nunarsuarmi puisip amiata tuniniarnerata ajornarluinnaqissaarneranut. Nassuerutigisariaqarparput puisip amianik atisalianik atorneq mutiujunnaarnikummat. Nunarput qissimikkutsigu, takussavarput amerlanerit Canada Goosemik aamma North Facemik atorusunnerusut, puisip amianiunngitsoq. Tamannali tupinnanngilaq – nunarsuarmioqatigiinnut ilaavugut, aamma inuttut mutilerisartutulli, nutaalianut malinnaavugut.

Demokraatinili isumaqarpugut, atisaliorfiiit sunnarniarnerusariaqarigut. Assersuutissatsialaavoq ameerniarfiup Kopenhagen Furip puisip amianik sanaanik takutitsiumannginnera, Copenhagen Fashion Weekimi takutitsineq aallarnerlugu nunavissuit arlallit amernik atisaliaannik



DEMOKRAATIT
DEMOKRATERNE

takutitsisoqarnera.

Kopenhagen Furip tamatuma kingorna Sermitsiaq.AG-mut nalunaarput puisip mainut ilisimasakippallaarnertik pissutigalugu puisip amiinik atisalianik pilerisaarisinnaasimanatik. Taamatut nalunaaruteqarneq Naalackersuisunik eqqarsalertitsisimasariaqaraluarpoq suliniutinik sorlernik aallartitsisoqarsinnaaneranut atisaliornut puisip amia paasititsiniutiginiarlugu, taamaaliornikkut puisip amianik atisaliat immaqa pilerigineqaqqilersinnaagaluarpat.

Apeqqutit akeqquneqarput piffissarititaasut ullut suliffiusut qulit iluanni.